

Iscrite e cumpleta custas preguntas.

Ses in Nùgoro e as bisòngiu de comporare unu billete de su postale pro andare a Tàtari, dae Nùgoro:

isse: Bonas dies!

Tue: _____

isse: ite cherides?

tue:

isse: lu cherides pro oe o pro cras?

tue:

isse: sunt deghe èuros e ais de cambiare postale in Otieri

tue:

isse: arribades a Tàtari a sas chimbe e mesa (17:30)

tue:

isse: in Pratzza Universidade

tue:

isse: de nudda. A nos bìdere.

Una limba (a)normale

S'àtera die fia umpare a s'amigu meu Cristianu in Tàtari ca isse traballat in un'ufitziu amministrativu regionale. **Cristianu si interessat de limba sarda.** Amus faeddadu meda de limba sarda in s'ufitziu suo e amus naradu chi **sa situatzione linguistica in Sardigna est tràgica meda** e chi su livellu de sa polìtica linguistica sarda est a tesu meda dae àteras regiones europeas comente sa Catalugna.

Deo fia pensende a su cuntzetu de **normalidade** e pensaia: *“it'est una limba normale? E it'est unu dialetu? proite sa majoria de sos sardos pensat chi su sardu siat unu dialetu de s'italianu?”*

Pro sa linguistica est craru: **non b'at diferèntzia intre limba e dialetu!**

Perfetu! Su problema limba-dialetu non b'est prus!

E tando: *“it'est una limba normale? Su sardu est una limba normale?”*

Sa segunda pregunta chi m'apo fatu fiat sa prus difitzile ca de sòlitu nemos si preguntat si una cosa est normale o anormale, e deo l'ischia perfetamente!

Pensaia a su tzeccu, a su catalanu, a su bascu, a s'inglesu etc. pensende chi sas persones chi faeddant cussas limbas **non s'ant postu mai su problema si sa limba issoro siat normale o nono.**

Pro sa linguistica est craru: **non b'at limbas anormales!**

A pustis, a ora de mesudie e mesu, **deo e s'amigu meu semus essidos** a nos leare un'aperitivu a su bar e, comente semus intrados a intro, **su camerieri nos at saludadu cun un'atzentu sardu-sardu:** *“buongiorno! I signori desiderano”.*

Est istadu in cussu momentu chi Cristianu m'at naradu: *“ite làstima chi nois, fintzas a como, fiamus faeddende sa limba nostra e como amus de impreare s'italianu cun unu sardu chi no ischit faeddare su sardu”.*

Apo pensadu chi sa chistione no est linguistica, ma **sòtziu-linguistica!**

Su problema mannu sunt sas persones chi **pensant a sa limba issoro comente normale o anormale!**

Su sardu est una limba normale **ma no est gasi pro sa majoria de sa gente** ca simplemente in sardu deo non potzo comporare unu billete de aèreo, non potzo pedire informatziones, non potzo abbaidare sa televisione, **non potzo pedire a su ristorante**, non potzo andare a su tzinema, non potzo lèghere sos cartellos publicitarios... non potzo in sas **istitutziones**, in sas **iscolas**, in sos **ufitziis**, in sa **crèsia**, in sos **debates polìticos** non potzo ca su sardu in Sardigna **galu no est una limba normale.**

Glossarieddu

umpare= spolu

ufitziu= kancelář

a tesu= blízko

comente = jako

majoria = většina

nemos = nikdo

issoro = jejich

mesudie e mesu = 12:30 hodina

làstima = škoda

pedire = žádat

crèsia = kostel

debate = debata/diskuze

galu = ještě

Responde a sas preguntas:

1. chie est Cristianu?

2. ite faghet Cristianu?

3. comente est sa situatzione linguìstica segundu Cristianu?

4. su livellu polìticu-linguìsticu sardu est comente cussu de sa Catalugna?

5. ite narat sa linguìstica?

6. it'est una limba normale?

S'UNIVERSIDADE

Cal'est sa cosa chi ti prahet de s'universidade?

Cal'est sa cosa chi non ti prahet de s'universidade?

Agiudu:

- mi prahet ca/non mi prahet ca
- sas matèrias sunt (difitziles/fàtziles; meda/pagas)
- sos oràrios sunt (disordinados/ordinados)
- sos professores sunt (cumpetentes/incupetentes; bravos/malos; umanos/disumanos; cumprendent/non cumprendent...)
- sos esàmenes ("non" mi istressant; sunt in su matessi periudu...)
- non b'at tempus pro...
- sos amigos m'agiuant a...
- cun su traballu est difitzile a...
- non mi potzo cuntzentrare
- sos esàmene iscritos sunt mègius/peus
- sos esàmenes orales sunt mègius/peus
- cando iscrio (no) apo tempus pro pensare
- cando faeddo so prus ispiradu
- cando faeddo non potzo agatare s'ispiratzione
- s'orale m'istressat
- non dormo su note
- no apo problemas a dormire
- non màndigo pro (dies, una chida, unas chidas, unu mese, unu tempus...)